

Pilipai

Pâlanj Pilipai dâpmelange ekngengat zâpat meluwanj kâpi kumindaye.

Pâlanj zâpat meluwanj kâpi kuye. Pâlanj mka katikjan Loma msalen tati Pilipai dâpmelange talip ekngengat zâpat meluwanj kâpi kuye. Pilipai dâpmelange ke Masedonia plowins kejan mwawatnanj.

Ekngemagengatnanj an ngen kwitnanj Eapolodaitas eganj Pâlyet milawat onakbewienen mti Loma mka katikjan ke metsame keyet wisikj zet ma tususunjin Zisasimak tazin ke ewe mkatikjan bemti mamayelen nâmtiyepm zemgwatnanj mimindeye. Ma kejan olojen palen mama ke Kawawanjan winde indame mamayelen zetnanj notnanj zeye (1:18, 2:17, 18, 3:1, 4:4, 10). Kejan mtoti mama keyet zetnanj Pâlanj zet zâpat meluwanj kâpiyet omba kuyeyanj tazin. Dâpmelange kâpi Pâlanj Kawawanjalan zet timepme sek zut beye keyet mwage (Nembayelen Muluwin 16). Pilipai dâpmelange ke dâpmelange Kawawanjalan Zet Zâpat Dolakjanj Penanjalan sesewat timamayelen manje njanjan kekok zenzeyelen.

Zet ntekekanj temanj kapigoganj Pilipai zâpat meluwanj kejan talip:

- 1:1-2 Notn mukumti zet zenze keyelen zet
- 1:3-11 Pâlanj dâpmelangeyet dundumti naman wisikj zet zeye
- 1:12-30 Nukjanj sokbeme Zisasiyanj Pâl winde same gwanjgwanjsim matatan
- 2:1-11 Kilasiyanj manje kogogak tototnanj mambep
- 2:12-18 Kawawanjanj ningat tungupmnanj mamti mulup mamin
- 2:19-30 Pâlanj Timotimak Eapolodaitas ideme Pilipai mebegat zeye
- 3:1-11 In Kilaismak maip keyepmti olojen mbep
- 3:12-21 In daen milawat bembejanj ke met titiyet winde bewep
- 4 Eksemti mamayet Pâlanj ankejoos zet zemti mukumindeye

1 ¹Nejmak Timoti nit nilisakwep Zisas Kilaisiyelen mulup mamilup. Ya nit zâpat meluwanj kâpi in Zisas Kilaisiyelen dâpmelange ma ingalen njanjan bembejine ma an damujine Pilipai

mka temanen mamaip ingat zapat meluwan temakwep kapi kumti bemalu kozin.

²Kawawan Bipm ma Amobotnan Zisas Kilais egegalen keŋ taoletmak keŋ sewakŋaŋan inmak wemti weweyet mandunduyap.

Pálaŋ mka katikŋan tati Kawawangat wisikŋ manzemtan

³Kan katan neŋ in am sambe nâmkîŋpepemak mamaip ingat otnâmeti Kawawanŋanŋat wisikŋ zemti mandundumsayap. ⁴⁻⁵Neŋ in Zet Zapat Dolakŋan Penan diindoma nâmti keyegak ninmak kot tusumti nâmkîŋpepemak bemti kan keyegak yaŋbemti in ndamukulem mti Zet Zapat Dolakŋan Penan zenze mulup nsakwep mamkwatnup. Keyepmti neŋ Kawawangat mandunduyap katan ingat nâmti keŋ oloŋen palen mandunduyap. ⁶Neŋ dundumambe pigok manâmkatikbeyap. Kawawanŋan inmagen mulupmaŋ dolakŋan ke yaŋbemti mge ke tapmmetnepeme met Zisas Kilais kokot kananen delaŋ zewe. ⁷Neŋ ingat gogot penan mimindeyap kegogapm zet ingat kegok zeya. Ma naman neŋ Kawawanŋan keŋ taoletnanŋapmti mulup nanŋe kapi mma amnaŋ zet kapi nâme penan beme Kilaismagen nâmkîŋpepe aiikgat nâmti mulupmaŋ windenamber mti mamban kan keyet amnaŋ pepet mti alak mka katikŋan totnemetaŋma in keyet popeŋan tati ewe tatnamukulem mkwalip. ⁸Zisas Kilaisiyan ingat gogot penan mamimindein sepem kegogak neŋ ingat gogot penan mamimindeyap zet kapi penan zeyap Kawawan iŋŋan nâin.

⁹Neŋ ingalen gogolinaŋ ammagen ma Kawawanŋagen ewe omba mkawaŋ bembeyet manâŋap ma keyegak nânâ dolak dolakŋan am notn zet weyaŋ musuwewet ma indamukulem mti mama mimi teŋ mzikat indandayet nâmti manduduyap. ¹⁰Keyet mti in kwitnaŋ kwitnaŋ dolakŋan etaŋ ke ekmâtâti keyet katan mmamti Kilaisiyan gilik zemti kokotnaŋat damuŋ ekpeŋ mamti mama mimi teŋ penan ma kweteteŋmaŋ etaŋ mti mame am ekŋenaŋ ingat zekukuŋin ŋen ku mbep. ¹¹In mama teŋ kegok mti mame Zisas Kilaisiyan etaŋ gwatnaŋ mimindeme am ekŋenaŋ in indikgomti ingat paleset Kawawangat kwizet buŋamaŋ omba mwati sesewatpewep.

Mama mimin Kilaisiyan damuŋ min

¹²Notnne, neŋ pigok penan zemkawaŋ bem indama nâit. Neŋ pien kwitnaŋ kwitnaŋ nukŋan sokbemnanŋe ke wa belak yek. Zet Zapat Dolakŋan Penan kapiyan palakŋan bemti msat katan mebegat sokbemnanŋe. ¹³Neŋ Kilais kwit zapatnaŋ mpalakŋan bema keyet pepetnaŋ kwati mka katikŋan nati met nembien. Âpme nâlen zapat ke mka katikŋanŋalen an tipdakutum notnaŋ sambe ekŋen ma mulup an notnaŋ sambe ekŋenaŋ nâme delaŋ zemâge. ¹⁴Âpme neŋ mka katikŋan neme talap keyet penanaŋ notnne notnaŋ sambe ekŋenaŋ Amobotnaŋat

nâmkîŋpepe kaliŋaŋ mti elen belen bemti Kawawaŋgalen Zet Zapat Dolakŋaŋ Penanŋ kîŋgagapiŋ ewe tusumti am sambe ekŋenmagen tazempalakŋaŋ bemelip.

¹⁵Âpme kapi penanŋ am notnaŋ ekŋenaŋ neŋ Kilaisiyelen Zet Zapat Dolakŋaŋ Penanŋ zema ekŋenaŋ kegogak zene zemtati mamti Zet Zapat Dolakŋaŋ Penanŋ neŋ zewi geŋ zewi mti yup met yup kot mti mamimdândâip. Âpme am dolakŋaŋ ekŋenaŋ weyaŋ ekmâtâtati ken sewak palen manzemelip. ¹⁶Neŋ Kawawaŋaŋ Zet Zapat Dolakŋaŋ Penanŋ kapi zemkawaŋ bembeyet mulup zet nange. Kapiyet popeŋan bemtati mulupmaŋ keyet kasaŋaŋ ku matopme mamiyap. Yaŋaŋ keyepmti am dolakŋaŋ ekŋen kapiyaŋ nâgât gogot mnemti mulupm butnaŋ ewe tusumti mamimelip. ¹⁷Yaŋgut notnaŋ ekŋenaŋ belak nâyaŋ nâyaŋ palen Kilaisiyet kwit zapaŋaŋ sek mmobotgat setnaset manzemkawaŋbeip. Ke neŋ mka katikŋan kapi tati keŋ sindem ewe nânâyet nâmti kegok manzemyuŋgum melip.

¹⁸Yaŋgut neŋ amnaŋ Zet Zapat Dolakŋaŋ Penanŋ keŋinaŋ penanŋ nâmkîŋpemti zewep ma belak sekŋinaŋ etaŋ kwizet buŋam temaŋ titiyet zewep keyet neŋ zet sambe ŋep ku zesap. Kilaisiyelen zelaŋ palakŋaŋ bemti msat sambe mamekozin keyet nâma dolakŋaŋ penanŋ mambein. ¹⁹Neŋ pigok nâmti oloŋen palen mamayap. In nâgât mti dundume Zisas Kilaisiyelen Emetak Teŋaŋ namukulem mneme kwitnaŋ kwitnaŋ nukŋaŋ tasokbemnain kapiyaŋ delaŋ zemâpme belak mambap. ²⁰Neŋ ŋoktikŋnan kapigok penanŋ tapme nâpeŋ mamayap. Neŋ am ŋenaŋ Zisas maeksempeyap keyet zigok ŋen mnawe beme sakambuk ku mbap. Belak oloŋen palenak tati kwitnaŋ kwitnaŋ nukŋaŋ sambe kopmâbe bee timtati dukŋnan tima mopmâbe. Wa neŋ alik mama ma gakiki keyet ku kîŋgalap. Neŋ sekŋ belak kilom ketalasima sekŋnaŋ Kilaisiyet kwizet buŋamaŋ mwabe. ²¹Neŋ msalen pien ewe alik mamti Kilaisiyet kwit zapaŋaŋ zempalakŋaŋ bemepma amnaŋ nâmâtâbep. Âk gakiwawen ke neŋ meti Kilaisiyet ŋenzimosetnan oloŋen palen penanŋ mambap. Mama keyaŋ mobotnaŋ penanŋ bein. ²²⁻²³Neŋ msalen kapi ewe kan teepmaŋ mamti mulup mma penanaŋ omba sokbewe ma sakwep gakiwap mene zemti ewe keŋ zut palen nâmtemtem mamiyap. Neŋ gakim meti Kilaismak mama dolakŋan mambap keyet nâma dolakŋaŋ penanŋ mambein. ²⁴Ma in belak kileŋ indemepma in nemba dumen mame ŋep ku benakgapmti inmak msalen kapi ewe tusumti mambap beme e ewe nâma dolakŋanak penanŋ bewe. ²⁵Keyepmti neŋ pigok penanŋ manâmkatikbeyap. Neŋ gakikipiŋ ewe msalen kapi mamti indamukulem mma in nâmkîŋpepeen katikŋaŋ bemti oloŋen palen tapmopme neŋ indiktingut bam gakiwap. ²⁶Keyepmti neŋ ewe inmagen kotapma in nikti ilinaŋgalen mama mimiŋin Zisas Kilaismak mamaip keyet nâgât yaŋaŋmak oloŋen penanŋ mbep.

²⁷Tepuman penañ kapigok mbep in mama mimiñin weyañme esemten beme Kilaisiyelen Zet Zapat Dolakñan Penañ mâti maip keyet katan mti mambep. Mti keñ kwep ma tususunin kwep tapme kitik kitik tati am indamukulem mimindeme nâmkîñpepen katikñan bemti tapme neñ kot indikbap. Âk yek beme belak pien tati zapalin etañ nâmbap. ²⁸In kitik kitik bemti tapme kasanine ekñenan zemkingagat mimindame kingagapiñ windenjin timti katikñanbemti tabep. Âpme Kawawañan in indatimtati ekñen belak katimindeme walelet aikbep keyet yañan ilinagak ekmâtâbep. ²⁹Kawawañan in Kilaisiyelen mulup mimiyet nâmti kabemindaye ke sek sindemañmak. Egañ wa Kilais nâmkîñpepeyet etañ yek ekgapmti sek sindem palen eyo mobogat nâmindeye. ³⁰Keyepmti neñ eweñan tipman baen mulup sek sindem mkwapma nikbien. E ewe kan pigogat tapmma zapatn takopme tatnâip ke mulup sek sindem in mamip sepem kegogak neñ pien mamiyap.

In Kilaisiyañ mange kegogak tototnañ mambep

2 ¹Kilaisiyañ in keñinan mamti gwetnañ mamin ma Egañ gogot mamindamti mkipmañ mambein ma Emetak Teñmak tusumindeme maip ke ma Kilaisiyañ kemberñ mti angalañ gogot mimindendeñan ²kegok taindaingapm in ñoktik kwep bemti gogot palen mamti keñ kwep bemti zenâ zenâñin kwep tunguwinan tatindame kegok mame neñ zapalin nâmti ingat oloñen temañ penañ mbap. ³Nâip, in ilinañgat nâme mobotnañ beme mulup neñ mbi geñ mbi zemti sek mmobot palen ñen ku mbep penañ. In keñin sekñin mtot mamti noline ekñengat kandañinan meti ekñengat nâme mobotnañ bewe. ⁴Ma in ikañ ikañgat kwitnañ kwitnañinañ dolakñan bembeyet etañ nâmti mulupmañ ku mbep. Noline notnañ ekñengalen eyo weyañme pembenañ bembeyet mulupmañ mbep. ⁵In Kilais Zisasiyelen ñoktik dolakñan tapme mama mimi dolakñan mti mange sepem kegogak penañ mti mambep: ⁶Zisas Ek Kawawañak mange yangut neñ Kawawañ mama mayap kapi zigok katipemti msalen towesap kegok zemti gwaenak ku tage. ⁷Egañ kululuñen Amobotnañ mamtan mundumañ bee wan peme tapme msalen kapi toti an penañ sokbemti an tototnañ sisiliñ an sepem kegok mange. ⁸Egañ Kawawañan zempeye keyet katan gawepumti tototnañ mameti tewen gakiye. ⁹Kegok mgeyepmti Kawawañan ekme dolakñan beme wapmoti Amobotnañ temañ onzempeye. Âpme egalen kwizet buñamañ temañ keyañ palakñan bemti amgalen kwizet buñam sambe tapmezin bee ilindiñ indasebemindemti igak belak gwa tazin. ¹⁰Keyepmti am kululuñen mamaip ekñen sambe ma msat palen mamamup nin sambe ma msat kandañan baen matalip ekñen sambe Zisasiyet kwizet buñamañ mwati pedondom samti sesewatsasayelen. ¹¹Âpme nin sambeyañ Zisas Kilais ek Amobotnañ mamndain zemti kwizet buñamañ manzempalakñan benup. Set keeset Kawawañ Bipmnañgat kwizet buñamañ mamwatnup.

Kawawaŋaŋ ningat tungupmnan mamti mulup mamin

¹²Keyepmti notnne, neŋ inmak ke mamkwaban kan keyet zetn zema in nâmti dolakŋaŋ maŋgawepumtemien. Yanaman beŋaŋ pien teleŋan mamti zet bema kopme e kegogak gawepuwep beme neŋ ingat nâma mobotnaŋ penaŋ bewe. In nâit, in Kawawaŋ yomengatnaŋ indatitiŋaŋ keyet nâme mopme egat kandaŋan kume kwaopme nâmsemten mamambep. ¹³Kawawaŋaŋ ikŋaŋ ingat keŋinan mulup mti indamukulem mme zetnaŋ gawepupuyelen ma kwitnaŋ kwitnaŋ egaŋ nâmtikŋaŋ minen ke etaŋ mimiyelen manâin. ¹⁴⁻¹⁶Âpme in myuŋguŋgupiŋ keŋin kwetetepmaŋ mamti am mŋasik penaŋ segeyakŋinberŋ msat kapiyet zapat mamaip ekŋengat tunguwinan wenzim eyoŋga busatnaŋ keboŋ bemtati mamayelen zet ke am notnaŋ diindome nâmkŋippepe aikbep. In kwileki ŋeniyet zet mmot mtot mti mdândândâ mee ku mbep. Âpme maneti Kilais kokotgalen kananen neŋ ingat mti sindem nâmkwaban ma mulup msâgât olatkwaban keyet penaŋaŋ in Zisasiyet zikatnan sosok motapme neŋ indikti keŋ dolak penaŋ nâmbap. ¹⁷Neŋ mulup mamimetnepema amnaŋ nomti sipm mulapme kwawabe mene beme kemak ingalen nâmkŋippepeŋinmak dundunduŋin keyaŋ Kawawaŋgat sâpe sâpe mambuip sepem kegok bewe. Neŋ keyet otnâmti inmak oloŋen temaŋ mamiap. ¹⁸In sepem kegogak keyet nâmti neŋmak oloŋen mamambep.

Pâlaŋ Timotimak Epapolodaitas ideme Pilipai mebegat zeye

¹⁹Neŋ Timoti inmagen ŋep pema kosâpm keyepm neŋ Amobotnaŋ Zisasiyet dunduma ek mukulem mme egaŋ sakwep inmagen kobe. Kot inmak maneti naman gilik zem kot inmagen kwitnaŋ kwitnaŋ zigok tasokbein keyet zet zapalin notnaŋ dinome nâmti oloŋen mbap. ²⁰An kemak neŋmak etaŋ in indamukulem mimiyet keŋnit temaŋ penaŋ matazin an ek keboŋ pienen neŋmak ŋen ewe ku tazin. ²¹Am sambe ekŋenaŋ ilinangat muluwin mimiyet etaŋ manâip. Mti Zisas Kilaisiyelen mulup mimiyet ku maotnâip. ²²Yangut in Timotiyelen mamaŋangat yaŋaŋ ilin ŋep nâip. Egaŋ nembayaŋ biwin mamukulem mip sakam kegogak egaŋ neŋ zet zapat dolakŋaŋgalen mulupgat manapmukulem dolakŋaŋ penaŋ mamimkwazin. ²³Neŋ mka katikŋan kapiyetnan zemneme tobaŋ ma ewe tabaŋ ke nâmtiŋgut Timoti ek sakwep penaŋ zempema inmagen kobe. ²⁴Âpme nenngut Amobotnaŋ ikŋaŋ setn weyaŋme neŋ kan belaknik bugan kapi inmagen kobaŋ ke nâmkatikbeyap.

²⁵⁻²⁶Neŋ nenak pien mulup olat olat palen tapminepema in nâmkŋippepeen notn Epapolodaitas peme koti egaŋ kegogat mulup olat olat palen mti segeset napmukulem omba penaŋ mneme mulup mbelin. Egaŋ pien neŋmak mamti zawat mme in buŋam zapaŋnaŋ nâmti in egat

yayan teman mbiengapmti egan in kot indidigat kenan teman penan matazin. Keyepmti alak pi naman pema inmagen kokogat nâyp. ²⁷Âpme ek zawat nuknan penan mti gakisât penan mge yangut Kawawanjan egat kembern nâmti mukulem mpeme alik beye. Wa ek etan yek. Neñ nenn nuknanen mamayap yan egan yek benagen nuknan teman nen ewe duknan motdakgapmti neñ kogogak Kawawanjan keyet kembern nâmnemti napmukulem mnenge. ²⁸Keyepmti in ek ekti kenin dolaknan bembeyet ma neñ kegogak egat ewe nâmtemtempin mamayet nâmti ek ewenjan pigogat pema sakwep inmagen kozin. ^{29,30}Egan Kilaisiyelen mulup keyet nuknan pumaneti zawat teman penan mti gakisâgât penan mge. In benan daen mambien keyepmti egan ingat weñnok kapi tati napmukulem omba penan mamimnemtetneti gakisât penan mge. Keyepmti egan kopme in ekti Amobotnanmagen nolingapmti in oloñen teman mpemti notn mpewep. In ekme am ekñen kebonjan kopme indikti ekñengat nâmindeme mobotnan mambemambe.

In Kilaismak maip keyepmti oloñen mbep

3 ¹Notnne, neñ zet zemkwala elak kapi pema tapme naman ingat pigok zema nâit. In Amobotnangalen am manje mamaip keyepm in iñnan main sepem kegogak oloñen palen mambep. Neñ zet itnanjan kumindawan keyegak zenzeyelen nâma nuknan ku bein. Neñ zet kapi indamukulem mimiyeleñ zet keyepmti ewe keyegak ke sakwalamti pigok diindosowap. ²In am bekanan tam zupman kebon mamti zemyunngu yunngu mti sekñin butnan etan antimpemtingut mama titiyet zetnan manzeip ekñen kebonat indiksewep. ³Nin sekñ butnan antiti set keeset Kawawangat nemunambanane ku mambenup. Nin Emetak Tengalen windeen Kawawan sesewatsamti mama ma Kilais Zisas kwizet bunaman mwatpemtia mama keesetgut Kawawangat nemunambanane mambenup. Wa mulupm nen dolaknan maminup keyet mti yek. Am nâmkñpepemak nin Zisas Kilaisiyan ningat mti kwitnan kwitnan mge keyet nâmkñpemtia Kawawan masewatsanup. Nin ninyegak mama aiikgalen mulupman mti ñep ku titiyelen. ⁴Neñ segeset kwitnan kwitnan notnan mamip keyan ñep napmukulem mbe nâmbak ze keyet mulupman ñep mbak. An notnan ekñenan segeset keyet nâme ñep ndamukulem mbe zemti ke mamip. Neñ kegok msât nâmbak benagen neñ am ekñen ke seabindemti omba penan mbak. ⁵Neñ sokbemti tapmepma kasup 8 kegok beme sekñ butnan antim newien. Neñ Israel an Benzamingalen aliknan. Neñ Ibulu am ekñengat sip butnan penan. Neñ ewenjan Palisi an zii zet timamayet ñoteknan penan mamban. ⁶Ya neñ wa Kawawangalen mulup windejanben kapi tapmiapmak zemti egalen dapmelange omba penan indawalekwaban. Âpme amnan nikme zii zelen teñ ma myungungupin kwetetepman mamti mkwaban. ⁷Âpme neñ ewenjan kwitnan kwitnan

ke mmamti keyet nâma penañ beye. Yan bamgat Zisas Kilaisiyet nâmkijpenti kwitnañ kwitnañ sambe mkwaban bee ekma belakñañ penañepiñ etañ bemâge. ⁸Neñ Amobotnañ Zisas Kilais egat yanñañ weyañ eknâmâtâpma delañ zeme ek mkitik penañ pewan mti Kawawañañ nikme dolakñañ kapi tabeinmak zemti kwitnañ kwitnañ eweñañ mkwaban keyet nâma penañañ ku beme ektalalap. Neñ Kilais ekmak tususât tati kwitnañ kwitnañ mkwaban bee ekma okbi okbiñañmak beme kingat pema delañ zemâge. ⁹Neñ Kilaismak tususu penañ mti ek nâmkijpenti mama Kawawañañ yom katipenti mme kwetetepman bewan. Wa nanangat pembenañnnangat teñ bewap nâmban ke ma zii zet gawepumti mamban keyet mti yek. ¹⁰Neñ kwitnañ kwitnañ sambe notnañ ekjengat nâma tototnañ beme Kilaisiyet yanñañ etañ nânâyet mulupmañ giñgiñ penañ mamiap. Kilais ek Kawawañgalen winde temañ keyañ gakikiengatnan mme wage windenañ keyet yanñañ weyañ nânâyet mulupmañ mti egalen winde kemak mamti neñ egañ ningat sindem nânge kegogak neñ tusumti sindem nâmban. Ma egañ ningapmti gakiye kegogak neñ ñep gakiwap. ¹¹Neñ kegok mbawen bam maneti egañ gakikiengatnan wagenogak wabap.

In daen milawat bembenañ ke met titiyet winde bewep

¹²⁻¹⁴Wa neñ nanangat Kilais nemboñak ilak bewan kegok ku zeyap. Neñ Kilaisiyañ iknangat zapat nage keyepmti neñ kwitnañ kwitnañ egañ nâmtikñañ mamin ke mmepma delañ zenzeyet iknang winde name egalen windemak tati winde mambeyap. Neñ mama mimi itnañañ mkwaban sambe beewan bamkumpema delañ zemâge. Âpme neñ naman kwitnañ kwitnañ bam gwaen sokbemnambe keyet nâmti mulupmañ windenañben mamiap. Am ekjenañ kwileki ñengat nâmbempenti zeme ke titiyet winde temañ mambeip sepem kegogak neñ kwitnañ kwitnañ sambe bam kumpema delañ zeme neñ kwitnañ kwitnañ nâgât zapat bembenañ ke titiyet mulupmañ beka kwisak mmeti timâpma delañ zeme Kawawañañ keyet tosañañ nambe keyet nâmti mulupmañ windenañben penañ mamiap.

¹⁵⁻¹⁶Am sambe nin nâmkijpepenn kaliñañ tazinañ nin set zemâtâlap kwep kapigogak mti mambanup. Nin Kawawañgalen mama mimi dolakñañ tiwenn ke nin mkatikñañ bemti mambanup. Âpme naman notnañañ zetn keyet nâme pepepeñañmak bewe beme Kawawañañ keñin ñep m elen beles bemindeme eknâmâtâbep, e nâmindeyap.

¹⁷An notnne sambe, notnañ ekjenañ neñ mama mimi dolakñañ mma ekti keyegak napmâti mamip ekjen keboñ keyelen eyo indikti keyegak mbep. ¹⁸Eweñañ baen neñ zet mandiindom kwateman keyegak ewe simak simak tati pigok diindoma nâit. Ingañ tunguwinangatañ am notnañ ekjenañ Kilaisiyañ tewen gakiye keyet zet zapatnañ diindomann

nâmbienangut naman zet ke bamkumpemti tapmelip. ¹⁹Am manje ekjen keyan bam walelet teman aikbep. Ekjenan segalen kwitnan kwitnan sakambuknanmak ke mimiyet nâme olojenanmak mambein. Ma msatgalen kwitnan kwitnan sambeyet tiknanan kenj otnânânin bee maminzilime delan zemâzin. ²⁰Âpme nin Amobotnan Zisas Kilaisiyan koti yomengatnan ndatimkwatndemti moge. Yanaman kot ndatimti kululuŋen gwaen mobe keyet damuŋ msalen kapi matatnup. ²¹Ek am ma kwitnan kwitnan sambe weme eknup bepi kandan baen tim kot yalon pemti manndadamuŋ min. Winderan keyan sekj belaknan towewenan kapi mgilik zeme ikjanŋalen seknan keboŋak alaknan sangsa songanjanmak ndame ikjanmak mamambanup.

Eksemti mamayet Pâlan ankenoo zet diindoye

4 ¹Kilaismagen notnne, in kot indidigat kenj teman penan matazin ma neŋ ingat gogot mamiap. Neŋ ingat tunŋuwinan mulup mma in nâmkîŋpepe aikbien keyet neŋ olojen mimindemti am ekjenŋat zikalinan sekjin mamotinŋeyap. Kogogapm notnne dolaknan penan, in Amobotnan Zisas ekmagen wetekumti gwenŋwen kumti katiknan matapmambeŋ.

²Imbi zut Yuodiamak ma Sintiki it Amobotnan ekmagen nâmkîŋpepenit kwep tazin keyet mti it tunŋuwidan zet mmot mtot bugan tazin e pemalu tapme kenj kwep bemti mambalup. ³Kegok mmalu mulup an notn penan geŋ imbi zut ke idikdamuŋ dolaknan mmame mambalup. Eget ma Kelemen ma am notnan Kawawanŋalen Zet Zapat Dolaknan Penanŋat napmukulem mti zempalaknan bemebien. Ekjen ke kwilin mama kanzizitgalen papiaen ilak kumpepenanŋan tazin.

⁴In Amobotnanŋat olojen mti sesewatsapeŋ mamambeŋ zet ewe iknan keyegak sakwalamti zema nâit. In Amobotnanŋat olojen mti sesewatsapeŋ mamambeŋ.

⁵Nâip, Amobotnan ilak kokogalen kan sokjanik bein keyet in am bakbak mimindemti nâmkîŋpepeen indamukulem mimindewep. ⁶In kwileki ŋeniyet olati keyet yayan teman ku mbep. In belak nânânin ke Amobotnan zikat same egaŋ neŋ indamukulem mbe. Âpme in mukuleman ke ekti egat wisikŋ kan katan zepeŋ mamambeŋ. ⁷Nin Kilais Zisasmak tususunn tazin keyepmti Kawawan kenj sewaknan toŋan egaŋ tunŋupmnanen kenj sewak teman manndain. Kenj sewak keboŋ ke am nin yanŋan neŋ ku nâmtâtâgalen. Kenj sewak keyan kenjin sekjin damuŋ mimindeme kakanemuŋ mambeŋ.

⁸Notnne, zet delan zenzenan pigok met zema nâit, in kenjan kwitnan kwitnan dolaknan etaŋ wizinzimpemti mama mimiŋin esemteŋ ma kwetetepman mti am sambe bepi gogot etaŋ mimindamti mame am ekjenan indikti Kawawanŋat kwizet bujanan mwabep. ⁹Mama mimi

dolakŋaŋ ekŋen kapi neŋ zemti mkwapma ekti eknom mme delaŋ zeye. Keyegak mti mame Kawawaŋ keŋ sewak toŋaŋaŋ indikme dolakŋaŋ beme inmak mambe.

**Pâlaŋ Pilipai dapmelange ekŋenaŋ taolet
notnaŋ beme mepme ekti oloŋen mge**

¹⁰In eweŋan nâgât milawatn ŋen ewe ŋep ke beme kotnakgalenaŋgut ilinmagen kamberŋ temaŋ takwapme olat olat palen mamkwabien keyepmti ku beme koge. Yaŋ alak pi in nâgât nâmti tewalaŋ ewe beme kozin keyepmti neŋ ingat keŋ dolak omba penaŋ nâmindemti Amobotnaŋ sesewatpeyap. ¹¹Wa neŋ âŋ zet mti zet kapi ku kumindayap. Neŋ kwileki notnaŋgat omtimat timat palen mamti keyet ku manâmbekambeyap. ¹²Neŋ kwitnaŋ kwitnaŋ sambe wem name mamayet ma olat olat palen mamayet ilizuzut nâma ŋep penaŋ mambein. Nim nalak nalak mti mama ma kamberŋ palen mama ma nimwiaŋ wiaŋ palen mama ma meuyet tip alaŋ nâpeŋ mama ekŋen ke yaŋaŋ mnâmti mama sekŋ beye. ¹³Kilaisiyaŋ winde name windemak mamayap ma egalen windeyete neŋ kwitnaŋ kwitnaŋ sambe bee ŋep mmâbap.

¹⁴Yaŋgut neŋ olat olat palen manepema in napmukulem mnewien keyepmti neŋ ingat nâma dolakŋaŋ penaŋ bein. ¹⁵Pilipai mkaengatnaŋ am in ilin nâip. Neŋ Kawawaŋgalen Zet Zapat Dolakŋaŋ Penangat mulup yaŋbemti Masedonia msat pemti mulup mmebanen dapmelange notnaŋ ekŋenaŋ belak mame in etaŋ segeset napmukulem mkwabien. ¹⁶Ma neŋ Tesalonaika msalen met mulup mamimtemanen in napmukulem mti segeset bandim omba penaŋ mamnamkwatemien. ¹⁷Wa mânep milawat keyet etaŋ nâmti ku zeyap. Mama mimi dolakŋaŋ ke inmagen temaŋ penaŋ tasokbein keyet eyo nâmti zeyap. In ewe kekok mmebewen keyet tosaŋaŋ Kawawaŋaŋ temaŋ indawe. ¹⁸In nâgât taolet omba penaŋ Eapolodaitas same timkot name tim elimiakti tapmayap. Taolelin beme koge kapi Kawawaŋgat songom sâpe sâpe bume zim pilik sesikŋaŋ dolakŋaŋ mapemtan sepem kekok bein. Sâpe sâpe keboŋ ke Kawawaŋaŋ ekme dolakŋaŋ penaŋ beme oloŋen temaŋ penaŋ mamin. ¹⁹Kawawaŋ ek kwitnaŋ kwitnaŋaŋ sambe penaŋ tazingapm in Zisas Kilaismak tusumti mamaip keyepmti in olat olat palen mame egaŋ kwitnaŋ kwitnaŋ sambe ketalasim indame in tim nimwiaŋ mambe.

²⁰Am sambeyaŋ Geŋ Kawawaŋ Bipm kwizet buŋamdi mwagemti sesewatgapeŋ mamambep. Ke penaŋ.

Zet zemdelaŋ zenzenaŋ

²¹Neŋmak notnne notnaŋ am nâmkŋepemak pien mamanut nin Zisas Kilais egat mti ingat otnâpeŋ mamanut keyet mti in am nâmkŋepemak noline notnaŋ ekŋen diindome nâmbep. ²²Pien am

nâmkijpepemak notnaŋ gapman temaŋ egalen mkaen mulup mamip
ekŋenaŋ in kegogak indamukumindeip.

²³Nerj Ambotnaŋ Zisas Kilaisiyaŋ in keŋ taolet mimindandayet nâmti
mandunduyap.